

化現降於人間自續其劍不然何得重新若此而鎚擊不傷完復如故

張讓黃神印救疾驗

張讓家於桂州客遊湘鄂間因得心疾初則迷忘在塗忘行在室忘坐惑於昏曉迷其東西累月之後復多狂怒詬責鬼神凌突於人至於裸露馳騁不知避忌履水火冒鋒刃不爲憂患時亦燒灼害之傷割及之道士袁歸真新刻黃神越章印醮祭方畢試爲焚香依法以印印之印心及背讓正狂走執而印焉昏然而睡歸真知印之効也復染丹炷香再印其心倏然疾愈有物如鶻從其口中飛去數丈之外墜於地上衆往視之乃大蝙蝠耳背上印字宛然讓乃平復如舊歸真持此印所在救疾大獲靈驗

道藏輯要

雲笈七籤
十三

雷

井集六

范希越天蓬印祈雨驗

范希越成都人也事北帝修奉之術雕天蓬印以行之祭醮嚴潔逾於常法廣明庚子歲三月不雨五月愈望人心焦然穀稼將廢願於萬歲池試行神印爲生靈祈雨於是詣至真觀致齋是日庚辰以戌時投印池中陰風遽起雲霧周布亥時大雨達曉及辰大雷迅雷驚震數四至巳少霽乃得歸府昇遷橋水漸及馬腹羅城四江平岸流溢螟蝗之屬淹漬皆死自是有年矣駕駐成都上知其道術召對問以送寇誅鋤官城剋復之事命